



LE CINQUIEME LIVRE

DE L'ARCHITECTVRE DE PHILIBERT
DE L'ORME LYONNOIS, CONSEILLER, ET
Aulmosnier ordinaire du Roy, Abbé de
sainct Eloy lez Noyon, & de
S. Serge lez Angiers.

*Prologue contenant l'invention, ordre, parties, mesures, & noms
des colomnes, & comme lon sen seruoit anciennemēt, & des pre-
miers qui les ont apportées à Rome, selon Pline.*



YANT satisfaiēt à mon intention & deli-
beration, laquelle estoit de monstrier l'artifi-
ce & vlsage des traicts Geometriques qui doi-
uent estre cogneus aux Architectes & mai-
stres maçons, pour auoir l'industrie de bien
faire & proprement conduire tout ce qui a
esté dit & declairé aux troisieme & quatrie-
me liures precedents, comme aussi pour plu-
sieurs autres choses qui concernent l'estat, fa-

*Sommaire de
ce qui est en
partie conte-
nu aux deux
liures prece-
dents.*

brique & façon des bastiments, ie ne diray qui sont dedans les ter-
res, comme caues, celiers, cuisines, & autres, mais aussi pour tous
les estages qui sont par dessus lesdictes terres, de quelque sorte
qu'on en pourra auoir affaire, soit pour les lieux sacrez, pour cha-
steaux, palais, maisons bourgeoises ou autres: il me semble que
cy apres il sera fort conuenable & à propos de monstrier & escri-
re comme il fault orner & decorer les murailles des temples &
de leurs portiques, vestibules & autres endroicts, cōme aussi des
fassades des chasteaux, palais, & maisons, ainsi qu'il sera requis.
Doncques pour ce faire nous commencerons à parler de l'ordre

A